

Paul Tarnow

Programma, Quo Rector Academiae Rostochiensis, Paulus Tarnovius, D. & Professor S.S. theologiae, Ad Exsequias, Quas ... Vir, Dn. Bernhardus Clingius, Reipub. Rostochiensis Senator ... filiolae ... Dorotheae Mariae Clingiae, adornatas cupit, Omnes huius academiae cives peramanter & officiose invitat

Rostochi[i]: Pedanus, 1630

<http://purl.uni-rostock.de/rosdok/ppn747411913>

Druck Freier  Zugang



Tarnovius, P.,
in D. M. Clinge.

R. 1630.

15

PROGRAMMA, 156.

Quo

RECTOR

ACADEMIÆ ROSTOCHIENSIS,

Paulus Tarnovius, D. & Pro-
fessor S. S. theologiæ,

Ad Exsequias,

Quas

Prudentissimus & amplissimus Vi:,

Dn. BERNHARDUS
CLINGIUS,

Reipub. Rostochiensis Senator meri-
tissimus, & adhuc benè merens,
filiolæ suæ suavissimæ,

DOROTHEÆ MARIÆ CLINGIÆ,
adornatas cupit,

*Omnes hujus academiæ cives peraman-
& officiosè invitat.*



ROSTOCHI

Typis Joachimi Pedani, Acad. Typ.


ANNO M. DC. XXX.



RECTOR
ACADEMIÆ ROSTOCHIENSIS,
PAULUS TARNOVIUS,
D. & Professor S.S. theol.



Uod non minus eleganter,
quàm verè, dixit Augusti-
nus: *In tempore vivimus,*
& *quid sit tempus, ignora-*
mus: id ad multos, qui
Christianorum titulo gau-
dent, paucis mutatis, ac-
commodari posse utinam meritò negare possi-
mus! *In Christianismo vivimus,* & *quid sit Chri-*
stianismus, ignoramus. Vulgus eorum, qui in
ecclesia & cætu Christianorum degunt, illos
nomen & rem veri & vivi membri, Christo ca-
piti nostro inserti, obtinere putat, qui in prima
infantia baptizati, postquam adoleverunt, sa-
cros conventus in templis frequentant, hym-
nos cum turba concinunt, preces & gratiarum
actiones fundunt, peccatorum suorum confes-
sionem coram ministro verbi & sacramento-
rum edunt, absolutionem petentes impetrant,
usu eucharistiæ patiuntur, & si quid præterea
est, quod in externo Dei cultu positum, nec per-
se



se reprehensionem mereretur, præstant. quorum opinio æquè perniciosa est plurimorum salutis, atq; ipsa est à veritate aliena: quod ostendunt exempla hypocritarum omnia, qui enumerata præstant universa, & singula, & tamen non magis sunt de corpore Christi mystico, quod est vera ecclesia, quam ulcera & scabies, de corpore hominum, in quo hærent, physico. Propria verè piorum, qui soli Christiani sunt re ipsa, ars & officium est, credere invisibilia, sperare dilata, amare Deum ostendentem se tanquam inimicum & hostem, & sic usque ad finem perseverare. Illam qui norunt & exercent, ijdem nec ignorant, neque impatienter ferunt, se in schola crucis & patientiæ divinitus exerceri, & suæ artis Christianorum propriæ partem non postremam à Deo exigi. etsi enim pater cælestis, cum sit *καρδιογνώστης*, non necesse habet, sua causa tentare & explorare nostros in fide, ejusq; fructuum veritate, progressus: tamen, cum optimè sciat, quanta ignorantia & vanitate laboremus, quàm facile fallamur, ut nobismet ipsis alijsq; tantò magis innotescamus, quando, & quomodo ipsi visum fuerit, experiendi notificandiq; qui & quales simus, occasionem subinde suppeditat. sic patrem omnium fidelium Abrahamum, cum jamdiu colloquijs Dei eru-

ditus, multisq; experimentis in veritate divi-
nae doctrinae esset confirmatus, à Domino ten-
ratum legimus, quando, quem unum & unicum
habebat ex Sara filium Isaacum, & quem ar-
dentissimè amabat, secum assumere, & in regio-
nem Morijsæ cum eo proficisci, ibiq; super uno
montium, quem monstraturus erat Jehova, ipsi
in holocaustum offerre jubebatur. quæ quidem
tentatio, teste Augustino, non id agebat, ut ipse
Dominus aliquid cognosceret, quod antè ne-
sciebat: sed ut illo tentante, id est, interrogan-
te, quod erat in homine occultum, proderetur.
non enim homo sibi ita notus est, ut creatori:
nec sic æger sibi, ut medico, ægrotat homo, ipse
patitur, medicus non patitur: & ab illo, qui non
patitur, expectat audire quod patitur. Hæc
fors cum fuerit patris fidelium, non est quod
eam recusemus, aut peculiarem aliquam nobis
postulemus, qui liberi ejus audire desideramus:
quin hoc ipso quod tentamur, erudimur & ca-
stigramur à Domino, nos ejusdem filios agnoscimus
& verè amari scimus: illud potius operam de-
mus, ut vera æquanimitate & subjectissima sub-
potenti manu altissimi humiliatione ortum
nostrum ex Deo probemus. In quo studio non
parva se difficultas offert, si quando contingat
à nobis repositi, quos omnium carissimos ha-
bui

buimus: quo numero sobolem contineri omnes
probè norunt, quibus, quas & quantas suavi-
rates parentum nomen complectatur, divino
beneficio persentiscere concessum est. Quæ
cum ita sint, dubitari non potest, quin hoc
tempore gravissimi doloris & patientiæ Chri-
stianæ certamen subeundum sit prudentissimo
& spectatissimo viro, Dn. BERNHARDO
CLINGIO, Senatori reipub. Rostochiensis
meritissimo, ejusq; conjugii dilectissimæ, S O-
PHIÆ ELISABETHÆ STEINBRINGS,
fœminæ lectissimæ, matronalium virtutum
splendore conspicuæ, cum, quæ nata hujus anni
X. Ianuario, circa sextam vespertinam, filiola
elegantissima, DOROTHEA MARIA, ea-
dem denata sit XVIII. hujus mensis die, circa
idem tempus vesperæ, postquam continuæ fe-
bris molestiam & dolores per XIII. dies pertu-
lerat, neq; enim aliter possunt per affectum pa-
rentum naturalem, qui divinitus omnibus in-
fitus est, & ardentiores motus in pectoribus
generosis excitat, quàm ut decessu filiolæ suavis-
simæ & carissimæ excrucientur, & graviter do-
leant, licet in hac schola crucis & patientiæ jam
ante crebrius sint exercitati & eruditi. ex de-
cem enim liberis, quos singulari benedictione
divina habuerunt, Bartholomæum, Bernbardum,


A 3,

Joa-

*Joachimum, Annam Margaretam, Henricum,
Sophiam Elisabetham, Agnetam, Johannem Wil-
helmum, Margaretam Elisabetham, Dorotheā
Mariam*, soli in hac vita supersunt duo filij,
qui tertio & quinto loco nati fuerunt. Sed ta-
men cum in veræ pietatis studijs sint innutri-
ti, ejusq; exercitijs multorum annorum decur-
su corroborati, planè confidimus, ipsos, quæ
huic vulnere sanando medicamina profint, ex
Spiritus Sancti officina desumpta salutariter
adhibituros, suoq; dolori levamen inventuros.
cum enim filiolam suam *Dorotheam Mariam*,
Christo capiti nostro ejusq; corpori, quod est
ecclesia, per lavacrum regenerationis verè in-
sertam sciant, atque ille in morte retineri non
potuerit, quotquot ejus vera membra sunt, unà
cum ipso ad vitam & gloriam perennem resur-
recturos certò credent. corporis exuviæ, quæ
morti propter peccatum debebantur, tantum
abest, ut per sui resolutionem quicquam damni
patiantur, ut à sordium, quæ ipsis inhærescunt,
reliquijs omnibus purgandæ, & cum sancta ac
beata animula paulò post in novissimo die in-
dissolubili nexu iterum sint conjungendæ. hu-
jus doctrinæ, qua destituuntur ethnici, qui id-
circo ita dolent, ut qui spem vitæ melioris non
habent, 1. Thessal. 4. v. 13. meditatio fidelis sup-
pedi-

pedirat veram & vivam consolationem in omnibus ærumnis, absque qua si sit, omnium hominum miserrimi futuri essemus, 1. Corinth. 15. v. 19. Nos quoq; quantum possumus, minuendo luctui mæstorum parentum, totiusq; familiæ, officio, quod à nobis exigitur, hodie inseruiemus: ad quod alacriores nos meritò reddere debet Dei mandatum, & hominum, à quibus ortum habuit, præclara fama atque merita. ut enim de patre & matre, suis elogijs, quæ ante attingimus, satis superq; commendabilibus, denuò nihil dicamus, avus ei paternus fuit Vir magnificus, amplissimus, & consultissimus, Dn. D. *Bartholomæus Clingius*, Juris Doctor & professor excellentissimus, Consiliarius Megapolitanus, cujus opera academia & hæc tota provincia per annos quinquagiuta feliciter usa est: mater, Vir amplissimus & prudentissimus, Dn. *Henricus Steinbringius*, illustrissimi & celsissimi quondam Principis & Domini, Dn. *Henrici Julij*, Brunswicensium & Lunæburgensium Ducis, dum vivebat, clementissimi, supremus, per multos annos, Castrorum ad Hercyniam sylvam præfectus spectatiss: avia utraq; matrona à pietate & virtute laudatissimæ, paterna, *Margareta Kronia*, viri itidem amplissimi & prudentissimi, Dn. *Ioachimi Kronij*, Senatoris,
cum

cum alijs nominibus, tum inprimis' legationi-
bus, quas publici commodi caussa feliciter obi-
vit, præclarè meriti, & honestissimæ matronæ,
Agneta Smedes, filia, & amplissimorum quon-
dam hujus reipub. virorum, *Bernhardi Kronij*,
Consulis, & *M. Laurentij Smedes*, Senatoris
neptis, *Henrici autem Kronij*, Consulis itidem
quondam amplissimi, & *Balthasari Smedes*, ci-
vis hujus reipublicæ primarij, proneptis: avia
verò materna, *Anna Lippia*, fœmina egregia,
ex præclara *Lippianorum* familia oriunda. Tan-
tis & tam præclaris majoribus ortæ honorem
supremum & ultimum cum præstare rogemur,
faciamus rogati libenter, quod non rogatis fa-
ciendum intelligimus haud illibenter: & con-
veniamus frequentes hodie hora prima, in
templo Mariano, officium charitatis præstitu-
ri superstitibus lugentibus, & nosmetipfos
commonefacturi nostræ mortalitatis, Deo que
commendaturi totius Germaniæ, patriæ com-
munis, & hujus provinciæ, vicinarumq; affli-
ctissimarum, & nostram omnium salutem pre-
cibus ardentissimis. P. P. sub sigillo acade-
miæ, cl. 10 CXXX. XXI. Maij.



buimus: quo numero sobolem cont
probè norunt, quibus, quas & qu
rates parentum nomen complecti
beneficio persentiscere concessum
cum ita sint, dubitari non potest
tempore gravissimi doloris & pati
stiana certamen subeundum sit pr
& spectatissimo viro, Dn. BERN
CLINGIO, Senatori reipub. Rom
meritissimo, ejusq; conjugii dilecti
PHIÆ ELISABETHÆ STEIN
fœminæ lectissimæ, matronaliu
splendore conspicuæ, cum, quæ nat
X. Januario, circa sextam vespert
elegantissima, DOROTHEA M
dem denata sit XVIII. hujus mens
idem tempus vespere, postquam e
bris molestiam & dolores per XIII
lerat, neq; enim aliter possunt per
rentum naturalem, qui divinitus e
fitus est, & ardentiores motus in
generosis excitat, quàm ut decessu si
simæ & carissimæ excrucientur, &
leant, licet in hac schola crucis & pa
ante crebrius sint exercitati & eru
cem enim liberis, quos singulari b
divina habuerunt, *Bartholomæum, B*

43

